



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-026-4/23**
Datum: **13.03.2023. godine**

«Agencija za vodno područje rijeke Save» Sarajevo, rješavajući po zahtjevu pravnog lica «VI-BETON» d.o.o. Visoko za donošenje rješenja o vodnoj saglasnosti za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta betonare u naselju Očazi, grad Visoko na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Pravnom licu, «VI-BETON» d.o.o. Visoko daje se vodna saglasnost za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta betonare kapaciteta 50m³/h koji se planira graditi u naselju Očazi, na zemljištu označenom kao k.č. broj: 1694/2 K.O. Moštre, grad Visoko a na osnovu projektne dokumentacije:
 - *Glavni projekat vanjskih hidroinstalacija za betonaru u naselju Očazi, Visoko urađen od strane «PERSPEKTIVA-inženjering» d.o.o. Visoko (šifra: 19.VS.PER.II/23, februar 2023. godine) te revidovan od strane «Zavod za vodoprivredu» d.d. Sarajevo, mart 2023. godine*
2. Ova vodna saglasnost ne oslobađa podnosioca zahtjeva obaveze pribavljanja vodne saglasnosti za korištenje vode (za tehnološke potrebe i hidrantsku mrežu) i ispuštanje sanitarno-fekalnih otpadnih voda iz predmetnog objekta, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, odnosno nadležna općinska/gradska služba u skladu sa članom 139. stav (2) tačka 1. i 2. i stav (3) Zakona o vodama.
3. Vodna saglasnost se donosi na osnovu utvrđenog činjeničnog stanja i pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio Rješenja, a ista će se koristiti u postupku pribavljanja odobrenja za gradnju.
4. Ova saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa a sve u skladu sa važećim zakonskim propisima, odlukama i sl.
5. Vodna saglasnost se donosi pod sljedećim uslovima:
 - 5.1. Sve radove na izgradnji objekata za prikupljanje, tretman tehnoloških i onečišćenih oborinskih otpadnih voda te ispuštanje prečišćenih voda u prirodni recipijent na predmetnom lokalitetu izvesti u skladu sa ovjerenom projektnom dokumentacijom iz tačke 1. ovog Rješenja.
 - 5.2. Izvođenje radova vršiti na način utvrđen u opisu tehničkog rješenja i tehničkih uslova izvođenja radova iz projektne dokumentacije a u skladu sa uslovima iz ove vodne saglasnosti.
 - 5.3. Usvojenim sistemom prečišćavanja otpadnih voda mora se obezbjediti da prečišćene otpadne vode, prije ispuštanja u recipijent – mjesna kanalizacija a potom rijeka Bosna, zadovolje granične vrijednosti emisija otpadnih voda definisane u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 5.4. Na odvodnom cjevovodu, neposredno iza separatora ulja i masti, a prije konačnog ispusta u postojeći kanalizacioni sistem MZ Moštre treba izvesti posebno reviziono okno koja će služiti kao okno za uzimanje uzoraka (monitoring okno).
 - 5.5. Korisnik vodne saglasnosti je u obavezi da, u skladu sa zakonodavstvom iz oblasti građenja, angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.

- 5.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (pogoršanje kvaliteta vode i dr) kao i postojeće korisnike voda.
- 5.7. U toku izvođenja radova, iskopani materijal i otpad se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
- 5.8. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
- 5.9. Predvidjeti da se sav nastali otpad prikuplja i zbrinjava izvan površina obuhvaćenim uticajem velikih voda, a u skladu sa važećim propisima o postupanju sa otpadom.
- 5.10. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
6. Nositelj prava iz ove vodne saglasnosti dužan je prije početka radova na izgradnji betonare ispuniti sve uslove propisane Rješenjem o urbanističkoj saglasnosti broj: 12-19-4564/22 donesenom dana 13.12.2022. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
7. Ukoliko se izvođenjem radova na izgradnji i postavljanju predmetne betonare ili drugim aktivnostima vezanim za predmetne radove prouzrokuju štete i nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
8. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
9. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom saglasnošću, korisnik zaštitnih vodnih objekata nije odgovoran za nastale štete.
10. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
11. Vodna saglasnost prestaje važiti istekom roka od dvije godine od dana pravosnažnosti rješenja, ukoliko do tog dana nije pribavljeno odobrenje za izvođenje radova i započeti radovi na izgradnji predmetne betonare u skladu sa projektnom dokumentacijom iz tačke 1. dispozitiva ovog rješenja.
12. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
13. Po završetku izvođenja radova na izgradnji predmetne betonare u naselju Očazi, grad Visoko te obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
14. Ukoliko u toku realizacije projektovanih aktivnosti na terenu dođe do odstupanja u odnosu na projektnu dokumentaciju na koje se izdaje ovo Rješenje, tada je Investitor u obavezi da uradi (inovira) projektnu dokumentaciju izvedenog stanja – hidro fazu.

O b r a z l o ž e n j e

Pravno lice, «VI-BETON» d.o.o. Visoko, zahtjevom zaprimljenim dana 27.01.2023. godine zatražilo je izdavanje vodne saglasnosti za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada betonare kapaciteta 50m³/h planirane na zemljištu označenom kao k.č. broj: 1694/2 K.O. Moštre, grad Visoko, a u postupku pribavljanja odobrenja za građenje.

Uz zahtjev nije dostavljena dokumentacija koja je propisana članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-2-40-026-2/23 od 06.02.2023. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-22-000362 izdatog dana 05.04.2022. godine od strane Općinskog suda u Zenici,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-2676-3/22 izdatog dana 13.05.2022. godine od strane Uprave za indirektno-neizravno oporezivanje Banja Luka,
- Kopija Rješenja o odobrenju dobrovoljne registracije po osnovu poreza na dodanu vrijednost i vanjskotrgovinskog poslovanja broj: 04/1-17-1-UPJR/1-2676-2/22 izdatog dana 13.05.2022. godine od strane Sektora za poreze Uprave za indirektno-neizravno oporezivanje Banja Luka,
- Saglasnost za priključak firme «VI-BETON» d.o.o. Visoko na vodovodnu i kanalizacionu mrežu u naselju Donja Zimča izdata dana 26.12.2022. godine od strane Savjeta MZ Zimča, Grad Visoko,
- Kopija Rješenja o prethodnoj vodnoj saglasnosti broj: UP-1/21-40-458-6/22 izdatog dana 22.11.2022. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti broj: 12-19-4564/22 donesenom dana 13.12.2022. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Glavni projekat vanjskih hidroinstalacija za betonaru u naselju Očazi, Visoko urađen od strane «PERSPEKTIVA-inženjering» d.o.o. Visoko (šifra: 19.VS.PER.II/23, februar 2023. godine),
- Konačni izvještaj o reviziji projektne dokumentacije urađen od strane «Zavod za vodoprivredu» d.d. Sarajevo, mart 2023. godine,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Tokom ispitnog postupka kao nesporne utvrđene su sljedeće činjenice:

- Da je za potrebe izvođenja radova na izgradnji sistema za prikupljanje, tretman tehnoloških i onečišćenih oborinskih otpadnih voda te ispuštanje prečišćenih voda u prirodni recipijent na lokalitetu objekta betonare u naselju Očazi, grad Visoko a putem pravne osobe registrovane za poslove projektovanja urađena projektna dokumentacija:
«Glavni projekat vanjskih hidroinstalacija za betonaru u naselju Očazi, Visoko».
- Da je projektna dokumentacija urađena od strane ovlaštenog projektanta «PERSPEKTIVA-inženjering» d.o.o. Visoko, februar 2023. godine te revidovana od strane «Zavod za vodoprivredu» d.d. Sarajevo, mart 2023. godine.
- Da je projektna dokumentacija iz tačke 1. dispozitiva Rješenja urađena u skladu sa uslovima datim u Rješenju o prethodnoj vodnoj saglasnosti broj: UP-1/21-1-40-458-6/22 izdatom dana 22.11.2022. godine od strane ove Agencije, za aktivnost - ispuštanje tehnoloških otpadnih voda u prirodni recipijent sa lokaliteta predmetnog objekta betonare u naselju Očazi, grad Visoko.
- Da je izvođenje radova na izgradnji predmetne betonare usklađeno sa prostorno planskom dokumentacijom Grada Visoko (Rješenje o urbanističkoj saglasnosti broj: 12-19-4564/22 doneseno dana 13.12.2022. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona) i nije u koliziji sa interesima sektora voda.
- Lokacija na kojoj je planiran objekat betonare nalazi se na lijevoj obali rijeke Bosne u Poslovnoj zoni grada Visoko na parceli označenoj kao k.č. broj: 1694/2 K.O. Moštre, grad Visoko. Planirani kapacitet proizvodnje betona je oko 50m³/h. Sastavni dio postrojenja za spravljanje betona čine: silosi za kameni agregat kapaciteta 50m³, vaga, mješalica za beton, silosi za cement 2x100m³, komandni centar, trokomorni taložnik, radni plato, manipulativne površine, bunar, uređaj za prečišćavanje otpadnih voda. U sklopu kompleksa planiran je i administrativni objekat sa toaletima za uposlene.
- Snabdijevanje objekta vodom za sanitarne potrebe predviđeno je sa mjesnog vodovodnog sistema MZ Zimča dok se za tehnološke potrebe i hidrantsku mrežu planira izgradnja i korištenje bunara. Sanitarno fekalne vode iz toaleta za uposlene će se prikupljati zasebnim kanalizacionim sitemom sa ispustom u kanalizacionu mrežu MZ Zimča.

- Tehnološke otpadne vode nastale u postupku spravljanja betona, pranjem procesne opreme i auto mješalica za beton će se putem slivnih rešetki i kanalizacione mreže odvesti u trokomorni taložnik sa recirkulacionom pumpom odakle se dio vode vraća u sistem a višak, zajedno sa onečišćenim oborinskim vodama sa radnog platoa i manipulativnih površina, se odvodi na tretman u separator ulja i masti. Krajnji ispust prečišćenih voda, preko okna za monitoring, planiran je u mjesni kanalizacioni sistem, a potom u rijeku Bosnu.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti izdatog od strane ovog organa broj: UP-1/21-1-40-458-6/22 od 22.11.2022. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vanjskih hidroinstalacija za betonaru u naselju Očazi, Visoko urađenu od strane «PERSPEKTIVA-inženjering» d.o.o. Visoko (šifra: 19.VS.PER.II/23, februar 2023. godine), data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Prilog:

- Ovjerena projektna dokumentacija: Glavni projekat vanjskih hidroinstalacija za betonaru u naselju Očazi, Visoko urađen od strane «PERSPEKTIVA-inženjering» d.o.o. Visoko (šifra: 19.VS.PER.II/23, februar 2023. godine)
- Konačni izvještaj o reviziji projektne dokumentacije urađen od strane «Zavod za vodoprivredu» d.d. Sarajevo, mart 2023. godine

Po ovlaštenju
Rukovodilac sektora za izdavanje vodnih akata


Haris Alisehović, dipl.ing.građ.



Dostaviti:

- «VI-BETON» d.o.o. Visoko (prilog)
- Očazi bb, 71300 Visoko
- AVP, ISV – Vodna knjiga
- Sektor 40, arhiva
- Oglasna ploča, AVP Sava